

武英殿聚珍版書

吳興縣志卷之五

金淵集卷四

元

仇

遠

撰

七言律詩

元夕放夜

繡衣玉節駐江城放得元宵兩夜晴
陸地金蓮方灩灩一天明月故盈盈
邏兵酣臥忘鐘韻遊子歡呼趁鼓聲
兒女看燈歸較晚老夫自剔讀書檠

憶西坡梅

杖藜久不到西坡苔上梅花積漸多
野屋荒涼誰管領

金清集 卷四
酒尊期會竟蹉跎韶光二月已強半樂事一生能幾何
賴有鄰園春可折洗瓶斜插在行窩

三月二十六日書所聞

從來賽社說金淵鼓笛鉦旗隘市廛地上鬼神行白晝
夜中風雨洗青天妖氛旱魃驅無跡和氣歡聲兆有年
車馬縱觀兒女事老夫閉戶讀韋編

寄陳仲麟

景仁

構李城邊送客船梅花一別又三年清風朗月思元度
駿馬名姬羨謫仙湖海倦遊予白髮園林真樂子青氈

楚生卜宅平生志歸日相從學力田

予自存博解印歸鄉心日夜相趣古人有名山川
處輒忘歸然歸未易忘也夢得一聯續之

業風宦海足波瀾常憶西湖南北山熟處肯忘生處樂

別時雖易見時難

得此二句

奉親還舍君先得投檄歸田我

未閒漫說桃源人迹絕故園松菊半荒殘

案此詩刪寒二韻通用雖

本蘇詩究爲出韻不可從

送張叔夏遊金陵

肯向金淵暫泊舟相逢袞袞別方休移宮換羽周郎顧

詠月吟風太白遊

吟風詠月出太白墓銘范傳正作

牀上無金猶好客

尊中有酒可消愁明朝又作臺城客細看青山似洛州

送陳壯甫稅使歸金陵

征商廉幹不言錢異事同寮又一年美譽正香金瀨曲
歸心已在冶城邊家傳簪笏青溪譜風送旌旗上水船
小草相依行有日莫須摻別重淒然

蕭饒州見寄次韻

夜來聽雨夢仇溪夢覺招邀客賦詩我自不分官冷熱
子須能別酒淳漓江頭風順鱸魚到天外春歸杜宇知

十日菊花元不減恰如六月見蒲葵

喜晴

新歲連朝喜遇晴宜人宜穀最關情郊原尚覺春光薄
市井先傳米價平趁暖飛蟲生滅易向陽征鴈去畱輕
北門冷掾無公事閒看官梅野柳爭

題趙千里溪山春遊圖

一溪流水數家村短櫟長松映葦門不是花通輞川口
祇疑路隔武陵源小橋瘦馬行春色遠浦青山帶雨痕
樓觀玲瓏雲縹緲須知畫裏別乾坤

寄武康王居正

曾向清溪采白蘋江東日暮別經春
投金瀨上思歸客浮玉山前憶故人
千里雲萍應念我一庭風樹敢忘親
挂蓑石暖苔衣厚擬買漁舸作近鄰

寄梁中砥

句曲峯巒翠倚天琳宮瓊館宴神仙
水程纔隔一百里腳債未償三十年
幾擬看山攜酒去相期聽雨對牀眠
何當撥遣塵閒事一試松根喜客泉

寄子野

西牕隱几讀南華頗悟亡羊與戰蝸住久不知身是客
歸休誰謂女無家向陽野竹先抽筍待雪官梅欲試花
我愛睡鄉真樂地底須頻喫玉川茶

黑兔

何年偷舐元霜鼎變卻蟾宮玉雪姿毛穎未封先試墨
褐衣乍著便披緇移來暘谷鳥相對躍入陰山鬼不知
蹤跡分明予甚愛正當秋曉月明時

和劉君佐韻寄董靜傳高士

雪暗江湖入暮年何人葦外小延緣水痕不動玉平岸

春意欲回花滿天
懶出恐消桐屐蠟
醉吟忘上苧袍船
行當歸學林和靖
接屋梅根伴鶴眠

驚蟄日雷

坤宮半夜一聲雷
蟄戶花房曉已開
野闊風高吹燭滅
電明雨急打牕來
頓然草木精神別
自是寒暄氣候催
惟有石龜并木鴈
守株不動任春回

鴈去

離羣野鴈在中庭
馴養經年羽翼成
因爲哀鳴殊可念
豈知飛去太無情
天陰月黑多機穽
歲晚山空少弟兄

願爾水田常飽煖春風早問北歸程

寄屠存博

三年塵土白鬚眉擬向西湖濯客衣林下杜鵑猶勸去
海邊鷗鳥亦知幾及瓜將得葵邱代存菊須尋栗里歸
見說中山屠博士鄉心也趁白雲飛

再寄子野

霜力風威各逞強老夫絮被不離牀一貧已幸官將滿
百計無如歸最長別後交朋難得信夢中文字不成章
從來心似梅花白莫入東風桃李場

寄鄧善之

幾年不寄子公書忽向燕南遺鯉魚
天遠地遙歸未得男婚女嫁事何如
壯遊自致青雲上漫仕誰憐白髮餘
案漫仕係米芾自號無作謾字者原本訛作謾今改正
西浙林泉俱可隱毋忘舊約共閒居

醉聞杜宇

幾日冥迷醉夢中醒來衣袖裹春風
杜鵑未歇鳥聲碎芍藥已開花信空
差勝跨驢愁杜老儘教騎馬笑山公
卑官安得金貂換尚有杖頭三百銅

北村吳園雨中賞牡丹主人畱飲

不謂村園見此花
嬌紅數朶眩晴霞
可憐國色天香種
竟落田夫老家略
具杯盤供筍蕨
已拚杖屨汚泥沙
莫愁乳鹿銜春去
自有蓬蒿盡力遮

官冷

不負平生下澤車
宦游卜宅亦村墟
家貧累重須干祿
官冷身閒可讀書
高柳每聞鶯姪姒
破籬時度竹蕭疎
西南林壑堪娛晚
靜看飛雲自卷舒

喜晴復雨

金淵集 卷四
早起方誇甲子晴夜分忽又似盆傾黑雲冉冉連燈暗
白浪滔滔與岸平芹未出泥先有燕花都委地尚無鶯
東橋沙觜多舟楫直下荆溪不待撐

五日

湘魄能傳楚澤芳何如倒載醉襄陽夕陰空照栽葵圃
宿雨難乾打麥場龍去涎畱丹井溼燕歸泥落墨池香
枉將黍粽沈蛟窟移與江村餉水荒

雨

才放庚申一日晴天明一日雨如傾烏雲覆地陰陰合

白浪侵田灩灩平屋漏未乾連礎潤橋低欲壓碍舟行
桔槔不是閒家具會聽溪邊鵝鵲鳴

雨坐

梅霖寒似麥秋天風葛淒淒未脫綿金彈落池盧橘熟
紅巾委地石榴鮮汨羅遺恨空千載瀨水閒居尚一年
蒲酒相邀須徑醉歸尋枕席付高眠

兩年蒲節雨霏微誤我中山采藥期騎馬出門隨所寓
看花酌酒復奚疑量慳未易勝金錢臂弱猶堪繫綵絲
追憶侯家陪宴賜素紈紅葛翠交枝

與子野過永仙觀循西城以歸邂逅李戒甫夕山
西爽詩料滿目子野明發詩來予次韻

壤垣荒逕入蒿萊不惹康衢半點埃賞靜偏憐雛笋長
趁涼自引瘦筇來盃餘漱齒呼新茗石上題詩剥古苔
試問依簷雙老檜何如列柏在烏臺

一笑相逢李伯時樹陰匝地綠雲低林梢落日猶餘丈
天下好山多在西我醉欲歸須客送君裝已趣尚鵲啼
明朝定有新詩句且讓溪翁向上題

寓舍在青安門外由是出郊不數里羣山獻狀如

游龍如奔馬如踞虎豹深秀坡陀不一而足似有
招引賦詩之意遂約子野再用韻

西望寬平倦眼開風收雲翳掃煙埃誰能白日捲簾坐
盡看青山排闥來合沓斷岡如引蔓盤陀大石不生苔
此中林壑多仙跡何必吹簫更楚臺

山列瑤簪束不齊過雲舒卷樹高低孟郊李白曾行處
太華瑯琊盡向西瘦馬自穿幽徑去老鶯猶戀落花啼
豈無厓壁平如削畱與詩人醉墨題

和仲祥大風韻